

# **STOFNANASAMNINGUR**

**Kvennaskólans í Reykjavík og Sálfræðingafélags Íslands**

## **1. Gildissvið og markmið**

### **1.1 Gildissvið:**

Stofnanasamningur þessi nær til allra starfsmanna Kvennaskólans í Reykjavík sem starfa og njóta ráðningarkjara samkvæmt kjarasamningum Sálfræðingafélags Íslands sem er félag innan BHM. Samningurinn er gerður samkvæmt ákvæðum gildandi kjarasamnings aðila við fjármálaráðherra fyrir hönd ríkissjóðs.

### **1.2. Markmið**

Aðilar eru sammála um eftirfarandi markmið með samningi þessum:

- Að þróa og útfæra skilvirkta launakerfi sem taki mið af þörfum, verkefnum og markmiðum stofnunarinnar og starfsmanna hennar auk þess að hvetja til árangurs.
- Að metnir séu til launasetningar þeir eiginleikar starfsmanna sem mikilvægastir eru til að skólastarfíð verði árangursríkt.
- Að tryggja skólanum hæft starfsfólk í góðu og framsæknu umhverfi.
- Að launakerfið ýti undir að starfsmenn auki við hæfni sína og þróist í starfi.
- Að launakerfið sé hlutlægt og gagnsætt en gefi um leið möguleika á að meta persónubundna eiginleika á grundvelli fyrirfram skilgreindra viðmiða. Ákvarðanir um launaröðun séu teknar með málefnalegum hætti og jafnréttissjónarmið séu virt.

## **2. Starfaflokkar og röðun**

Grunnröðun í launaflokka byggir m.a. á skipuriti, starfslýsingu og umfangi og miðast við að um viðvarandi/stöðugt verksvið sé að ræða. Starfslýsingar skulu endurskoðaðar við allar varanlegar breytingar á verksviði starfsmanna og/eða skipulagi stofnunar. Röðun skal byggð á hlutlægum mælikvörðum eftir því sem unnt er. Sálfræðingur skal hafa fengið starfsleyfi sem sálfræðingur frá Embætti landlæknis á Íslandi. Með því hefur sálfræðingur að lágmarki lokið MSc./Cand.Psych. prófi í sálfræði.

Starfaflokkar eru skilgreindir og grunnraðað í launaflokka með eftirfarandi hætti:

**Launaflokkur 12      Sálfræðingur 1** Sálfræðingur sinnir almennum sálfræðistörfum, athugunum, mati, ráðgjöf og fræðslu til nemenda og foreldra. Er undir handleiðslu annars sálfræðings á vinnustað.

**Launaflokkur 15      Sálfræðingur 2** Vinnur sjálfstætt við sálfræðiathuganir, mat og ráðgjöf til nemenda og foreldra og ber ábyrgð á faglegum gæðum starfa sinna. Hefur yfirsýn yfir eigin verkefni og ber ábyrgð á úrlausn verkefna sinna. Gerð er krafa um fagþekkingu og frumkvæði í starfi og að starfsmaður fylgist með þróun og nýjungum á sviði þeirra málaflokka sem undir starfið falla.



### **3. Persónubundnir þættir**

#### **3.1 Viðbótarmenntun**

Meta skal formlega viðbótarmenntun sem lokið er með viðurkenndri prófgráðu og ekki er metin við grunnröðun starfsins. Menntunin þarf að nýtast í starfi. Öll hækkun launakjara vegna viðbótarmenntunar miðast við að viðbót leggist ofan á aðra menntun sem þegar hefur verið tekið tillit til við röðun starfs í launaflokk.

- Diplóma eða sambærilegt viðbótarnám sem nýtist í starfi (30 ECTS einingar) 1 þrep
- Diplóma eða sambærilegt viðbótarnám sem nýtist í starfi (60 ECTS einingar) 2 þrep
- Meistaragráða (MA eða MSc) viðbótarnám sem nýtist í starfi 4 þrep
- Doktorsgráða í sálfræði eða námi sem nýtist í starfi 6 þrep

#### **3.2 Sérfræðiviðurkenning frá Embætti landlæknis**

1. áfangi 100 fræðslustundir eða 20 ECTS einingar og 20 handleiðslutímar 1 þrep
2. áfangi 200 fræðslustundir eða 40 ECTS einingar og 40 handleiðslutímar 1 þrep
3. áfangi 300 fræðslustundir eða 60 ECTS einingar og 60 handleiðslutímar 1 þrep

Sérfræðiviðurkenning sem klínískur sálfræðingur frá Embætti landlæknis 1 launaflokkur og 1 þrep og er það hámarks hækkun.

Hámark fyrir sérfræðiviðurkenningu frá Embætti landlæknis er 1 launaflokkur og fjögur þrep.

#### **3.3 Starfsreynsla**

Starfsreynsla er skilgreind sem samanlögð reynsla af vinnu í sambærilegum verkefnum /störfum.

Starfsreynsla er metin eftirfarandi:

- Eftir tveggja ára starf fær starfsmaður eitt þrep
- Eftir fimm ára starf fær starfsmaður einn flokk til viðbótar
- Eftir sjö ára starf fær starfsmaður einn flokk til viðbótar
- Eftir 15 fær starfsmaður einn flokk til viðbótar

#### **3.4 Virk endurmenntun**

Virk endurmenntun 1 þrep

Starfsmaður sýnir fram á að hann sæki námskeið og fyrirlestra eða afli sér þekkingar með öðrum hætti sem nýtast honum í starfi. Endurmenntunartíminn þarf að vera 20 tímar á ári að jafnaði þegar horft er til eins ráðningartímabils (s.l. 12 mánuðir).

#### **3.5 Hækkun umfram átta þrep á láréttum ási**

Starfsmaður, sem hefur áunnið sér hækkun vegna þátta í grein 3, umfram 8 álagsþrep, færst í næstu launatölu næsta launaflokks fyrir ofan.



## 4. Tímabundnir þættir

Sé starfsmanni falið tímabundið verkefni sem felur í sér meira umfang, ábyrgð eða álag en gert er ráð fyrir í viðvarandi verksviði/starfslýsingu skal hann fá hækjun launa á meðan þá því stendur. Greitt er samkvæmt því umfangi, ábyrgð eða á lagi sem verkið felur í sér og gerður er um það sérstakur samningur sem er tímabundinn við ráðningarsamning. Tilgreina skal upphaf og endi tímabilsins í samningi.

Tímabundin viðbótarlaun má greiða með því að bæta við launaflokkum/þrepum tímabundið, með eingreiðslu að loknu verki eða tiltekinni upphæð á mánuði. Tímabundin laun skal skjalfesta og skulu bæði starfsmaður og stofnun undirrita ákvörðunina og tilgreina sérstaklega á launaseðli starfsmanns.

Ef tímabundin verkefni standa yfir samfellt í 24 mánuði verður röðunin hluti af föstum launum. Dæmi um tímabundin verkefni.

- Aukið álag vegna breytinga á verkefnastöðu eða daglegri starfsemi stofnunarinnar
- Aukið umfang starfs
- Verkefnastjórnun nýrra tímabundinna verkefna
- Sérstök fræðsla eða kennsla innan stofnunarinnar
- Sérstök átaksverkefni, skilgreind af yfirmanni hverju sinni án þess að til komi fækkun annarra verkefna

## 5. Ýmis ákvæði

### 5.1 Starfsmannasamtal

Regluleg og kerfisbundin starfsmannasamtöl starfsmanns og næsta stjórnanda skulu fara frama.m.k. annað hvert ár skv. starfsmannastefnu skólans.

### 5.2 Endurmenntun og starfsþróun

Kvennaskólinn í Reykjavík skal hafa á að skipa hæfum starfsmönnum og stjórnendur skulu sjá til þess að starfsmenn geti viðhaldið og aukið við þekkingu á sínu fagsviði. Í starfsmannasamtali skal farið yfir möguleika til starfsþróunar sem hefur það að markmiði að þráða færni starfsmannsins m.t.t. þarfa hans og skólans.

### 5.3. Réttur til handleiðslu

Sálfræðingar sem starfa hjá Kvennaskóla Reykjavíkur skulu eiga rétt á allt að 8 handleiðslutímum á ári utan stofnunar og á kostnað hennar, miðað við 100% starf en annars hlutfallslega.

### 5.4 Ágreiningsmál

Telji starfsmaður að honum sé ekki rétt raðað miðað við ofanskráðar forsendur á hann rétt á að fá röðun sína endurmetna. Ágreiningsmálum skal vísað til samstarfsnefndar skv. 11. gr. kjarasamnings.

## 6. Endurskoðun

Hvorum aðila um sig er heimilt að óska eftir endurskoðun samnings þessa verði umtalsverðar breytingar á forsendum hans. Eigi sjaldnar en annað hvert ár skal metið hvort forsendur samningsins hafi breyst þannig að ástæða sé til að gera breytingar á stofnanasamningnum.

## 7. Gildistími

Stofnanasamningur þessi gildir frá 1. janúar 2022



Reykjavík, 17. maí 2022



Tryggvi Ingason  
F.h. Sálfræðingafélags Íslands